


**ჭიათურის მუნიციპალიტეტის 2019 წლის წლიური ბიუჯეტის (იანვარ -
დეკემბრის თვის)
შესრულების ანგარიში**

ჭიათურის მუნიციპალიტეტის 2019 წლის ბიუჯეტი დამტკიცებულია მუნიციპალიტეტის საკრებულოს მიერ 2018 წლის 21 დეკემბერს N57 დადგენილებით 16189.33 ათასი ლარის ოდენობით. დამტკიცებულ ბიუჯეტში საქართველოს სახელმწიფო ბიუჯეტიდან მისაღები გრანტების ოდენობა განსაზღვრულია დელეგირებული უფლებამოსილების განსახორციელებლად 232,0 ათასი ლარი. ადგილობრივი შემოსავლები განისაზღვრა 15951.33 ათასი ლარის ოდენობით, მათ შორის 2200 ათასი ლარი გადასახადების სახით, 7494.1 ათასი ლარი დამატებითი ღირებულების სახით. 6257.23 ათასი ლარი სხვა შემოსავლების სახით.

არაფინანსური აქტივების კლებით შემოსავალი განისაზღვრა 6.0 ათასი ლარი.

შემოსავლები ხვედრითი წილის მიხედვით მთლიან ბიუჯეტში ასე გამოიყურება:



2019 წლის იანვარ - დეკემბერში ბიუჯეტის მიმართ 15 -ჯერ განხორციელდა ცვლილება და ბიუჯეტის შემოსულობების მოცულობა

განისაზღვრა 28459.3 ათასი ლარით. აქედან გრანტები შეადგენს 9791.4 ლარს. მათ შორის საერთაშორისო ორგანიზაციებიდან და სხვა ქვეყნის მთავრობიდან მიღებული გრანტები 26.2 ათას ლარს, მიზნობრივი ტრანსფერი დელეგირებული უფლებამოსილების განსახორციელებლად **232.0** ათას ლარს, ინფრასტრუქტურის განვითარებისთვის და სხვა მიმდინარე ღონისძიების დასაფინანსებლად 951.2 ათას ლარს, „საქართველოს რეგიონებში განსახორციელებელი პროექტების ფონდიდან 7073.5 ათ ლარს, სოფლის მხარდამჭერ პროგრამაზე 812.0 ათას ლარს, მაღალმთიანი რეგიონების განვითარების ფონდზე 696.5 ათას ლარს.

ადგილობრივი შემოსავლები განისაზღვრა **18645.9** ათასი ლარით, მათ შორის საგადასახადო შემოსავლები **9694.1** ათასი ლარი, არასაგადასახადო შემოსავლები **8951.8** ათასი ლარი.

არაფინანსური აქტივების კლებით შემოსავალი განისაზღვრა **22.0** ათასი ლარით.

2019 წლის 01 იანვრისათვის მუნიციპალიტეტის საბიუჯეტო სახსრების ფულადი ნაშთი შეადგენდა **10184.7** ათ. ლარს, აქედან ცენტრალური ბიუჯეტის თანხებზე **24856.0** ათას ლარს, საკუთარ სახსრებზე **7698.7** ათას ლარს . მათ შორის:

N	ფულადი სახსრების ნაშთი	თანხა(ლარებში)
	2019 წლის 01 იანვრის მდგომარეობით სულ	10184675
	მათ შორის ცენტრალური ბიუჯეტიდან:	
1.	რეგრესის პენსია საქ.პრეზიდ.26.12.07წ #771 განკ. 5591.17	5591.17
2.	მიწის ძვრით დაზარალ.დასახმარებ #972 განკ.	15400
3.	საქ .მთ.17.05.13#466 დადგ. სოფლის პროგრ.	4531.58
4.	საქ.მთ.04.04.13#311 განკ რეგიონში განსახ.პროექტ.	67839.48
5.	საქ.მთავ. 20.03.2014წ #471 განკ. სოფლის პროგრამა	7359.36
6.	საქა.მთ.12.03.2015წ#506განკ.სოფ.მხარდაჭ.პროგრ	17443.27
7.	საქართ. მთ. 2015 წლის 24 ნოემბრის #2529 განკ	8183.94
8.	საქ.მთ.განკ#1967 14,09.2015წ (სანიღვრე არხ.)	34749
9.	საქართ.მთ 19,02,2016წ#265განკ.სოფლის პროგრამა	29395.32
10.	საქართველოს მთ.13.06.2017წ.1213 სტიქიის შედეგ.სალიკვიდაც.ღონისძ.განსახორციელებლად	150000

11.	საქ. მთავრ.12.07.2017წ.N 1454 წყლის სისტ. რეზ.	180921
12.	საქ. მთ.განკ.06.04.2017წ.N693 წყლის სისტ. რეზილიტ.	50960
13.	საქართ. მთ. 04.02.2016 წ #175განკ.	0.85
14.	საქ. მთ. 18.01.2018.წ #136გან. გზების რეზ.	1828964.28
15.	მიზნობრივი ტრანსფერი	5800
16.	საქ. მთ 29.10.2018 წ # 1994გან სკოლების რეზ.	78805.11
	სულ ც/ ბიუჯეტიდან	2485944.36
	საკუთარი ნაშთი	7698730.64

ჭიათურის მუნიციპალიტეტის 2019 წლის წლიური (იანვარ-დეკემბრის თვის) ბიუჯეტის საშემოსავლო ნაწილის ანალიზი


დასახელება	გეგმა(12თ ვე)	საკასო(12თ ვე)	პროცენტი
შემოსავლები	28437.3	29027.3	102.1
გადასახადები	9694.1	10749.4	110.9
გრანტები	9791.4	9752.9	99.6
სხვა შემოსავლები	8951.8	8525.0	95.2
არაფინანსური აქტივების კლება	22.0	72.2	328.2
სულ შემოსულობები	28459.3	29099.5	102.3
ფინანსური აქტივების კლება	10191.1	5624.8	
ფინანსური აქტივების ზრდა			
სულ ფ/ა ცვლილებების ჩათვლით	38650.4	34724.3	89.8

ჭიათურის მუნიციპალიტეტის 2019 წლის ბიუჯეტის წლიური (იანვარ-დეკემბრის) თვის შემოსულობების (შემოსავლები, არაფინანსური აქტივები, ფინანსური აქტივები) საპროგნოზო მაჩვენებელი ნაშთის ცვლილების გარეშე განისაზღვრა **28459.3** ათასი ლარით, საანგარიშო პერიოდში მობილიზებულ იქნა **29099.5** ათასი ლარი, ანუ საპროგნოზო მაჩვენებლის 102.3 %. გასული წლის შესაბამის პერიოდთან შედარებით **6934.0** ათასი ლარით მეტი შემოსულობებია ბიუჯეტში შემოსული. შემოსულობების ზრდის ტემპი გასულ წელთან

შედარებით შეადგენს 131.3%-ს.

წლის განმავლობაში (იანვარ-დეკემბერის თვეში) ფინანსური აქტივების ცვლილება (კლება) გეგმით განსაზღვრული იყო 10191.1 ათასი ლარი, ხოლო ფაქტიურად გამოყენებული იქნა 5624.8 ათასი ლარი ფინანსური აქტივი (ნაშთი).

სახეობების მიხედვით 2019 წლის წლიური ფაქტიური შემოსულობების ხვედრითი წილი მთლიან ბიუჯეტში



შემოსავლები

როგორც დიაგრამებიდან ჩანს ფაქტიურ ბიუჯეტში გრანტების ხვედრითი წილის გაზრდით (1-დან 34% -მდე), შემცირდა როგორც გადასახადების ხვედრითი წილი (60-დან 37%-მდე), ისე სხვა შემოსავლების ხვედრითი წილი (39-დან 29%-მდე). ჭიათურის მუნიციპალიტეტის 2019 წლის იანვარ-დეკემბრის თვის ბიუჯეტით განსაზღვრული შემოსავლებიდან (გადასახადები, გრანტები, სხვა შემოსავლები):

I გადასახადების სახით ბიუჯეტში მოხილვებულია 10749.4 ათასი ლარი, გეგმის 9694.1 ათასი ლარის 110.9 %. (როგორც დიაგრამაზეა ნაჩვენები გადასახადები მთლიან ბიუჯეტში შეადგენს შემოსავლების 37%-ს.) მათ შორის:

ქონების გადასახადიდან საანგარიშო პერიოდში მიღებულია იურიდიულ და ფიზიკურ პირთა ქონების გადასახადი (გარდა მიწისა) 1742.9 ათასი ლარი, გეგმის 1000.0 ათასი ლარის, 174.3%, მათ შორის საწარმოთა ქონებიდან შემოსულია 1722.1 ათასი ლარი, ფიზიკურ პირთა ქონებიდან 20.8 ათასი ლარი. სასოფლო და არასასოფლო სამეურნეო დანიშნულების მიწიდან ქონების

გადასახადი, როგორც ფიზიკური ასევე იურიდიული პირებიდან, 1142.8 ათასი ლარი, გეგმის 1200.0 ათასი ლარის, 95.2 %. მათ შორის სასოფლო სამეურნეო დანიშნულების მიწაზე გადასახადი შეადგენს 73.5 ათას ლარს, არასასოფლო სამეურნეო დანიშნულების მიწაზე 1069.3 ათას ლარს. დამატებითი ღირებულების გადასახადი შემოსულია 7863.7 ათასი ლარი. დამატებითი ღირებულების გადასახადის გეგმა შესრულებულია 104.9 %-ით. (გეგმა 7494.1 ათ. ლარი).

გრანტები. საანგარიშო პერიოდში გრანტების სახით ბიუჯეტში მობილიზებული იქნა 9752.9 ათას ლარი, მათ შორის: საერთაშორისო ორგანიზაციებიდან და სხვა ქვეყნის მთავრობიდან მიღებულმა გრანტმა შეადგინა 26.2 ათასი ლარი, მიზნობრივმა ტრანსფერმა დელეგირებული უფლებამოსილების განსახორციელებლად 232.0 ათასი ლარი, ინფრასტრუქტურის განვითარებისთვის და სხვა მიმდინარე ღონისძიების დასაფინანსებლად 951.3 ათასი ლარი, „საქართველოს რეგიონებში განსახორციელებელი პროექტების ფონდიდან მიღებული იქნა 7034.9 ათ ლარი, სოფლის მხარდამჭერ პროგრამაზე 812.0 ათასი ლარი, მაღალმთიანი რეგიონების განვითარების ფონდიდან 696.5 ათასი ლარი.

III სხვა შემოსავლები: 2019 წლის ბიუჯეტის ფაქტიურ შემოსავლებში სხვა შემოსავლების ხვედრითმა წილმა შეადგინა მთლიანი ბიუჯეტის 29%. წლიური (იანვარ-დეკემბრის) გეგმით განსაზღვრული 8951.8 ათასი ლარის ნაცვლად ფაქტიურმა შემოსავლებმა 8525.0 ათასი ლარი შეადგინა, გეგმის 95.2 %. მათ შორის: პროცენტები დარიცხული საბიუჯეტო სახსრების ყოველდღიურ ნაშთზე მომსახურე საბანკო დაწესებულებაში, შემოსულია 318.0 ათ ლარი, გეგმის 302.2 ათასი ლარის 105.2%, ბუნებრივი რესურსების მოსაკრებელი ჩაირიცხა ბიუჯეტში 4747.3 ათ. ლარი გეგმის (5510.1 ათასი ლარის) 86.2 %. მათ შორის წიაღით სარგებლობის მოსაკრებელი ჩაირიცხა 4633.7 ათ. ლარი, ტყის ფონდის მერქნული რესურსებით სარგებლობის მოსაკრებელი 28.5 ათ. ლარი, წყლის რესურსებით სარგებლობის მოსაკრებელი 77.8 ათ. ლარი, გადამფრენი ფრინველების ამოღებიდან 2.7 ათ. ლარი. სხვა არაკლასიფიცირებული ბუნებრივი რესურსების მოსაკრებელი 4.6 ათ. ლარი. შენობა-ნაგებობების იჯარა შემოსულია 30.4 ათ. ლარი, (გეგმა 20.4 ათასი ლარი) გეგმა შესრულებულია 148.9 %-ით, მიწის იჯარა 2.9 ათ (გეგმა 1.5 ათასი ლარი). შესრულებულია 193.3%-ით. მშენებლობის ნებართვის მოსაკრებელი 3.3 ათ.ლარი, (გეგმა 5.0 ათ. ლარი), სათამაშო ბიზნესის მოსაკრებელი 2024.0 ათასი ლარი, გეგმის 2000.0 ათასი ლარის 101.2 %, დასახლებული

ტერიტორიის დასუფთავების მოსაკრებელი 10.5 ათ. ლარი, გეგმის 25.0 ათასი ლარის 42 %, სამხედრო სავალდებულო სამსახურის გადავადების მოსაკრებელი 0.4 ათასი ლარი, (გეგმა არ იყო გათვალისწინებული). სანქციებიდან და ჯარიმებიდან შემოსავალმა შეადგინა 228.2 ათ. ლარი, (გეგმა 160.0 ათასი ლარი) შესრულებულია 142.6 %-ით. აქედან საგზაო მოძრაობისა და სატრანსპორტო მეურნეობის წესების დარღვევისთვის შემოსული ჯარიმა შეადგენს 151.2 ათას ლარს, სხვადასხვა დარგში ადმინისტრაციული სამართალდარღვევებისთვის 77.0 ათას ლარს.


შერეული და სხვა არაკლასიფიცირებული შემოსავალი (ხელშეკრულებების ვადის დარღვევისთვის) შემოსულია 1159.9 ათასი ლარი, გეგმის 927.7 ათასი ლარის 125.0 %.

არაფინანსური აქტივების ცვლილებით (კლებით) იანვარ - დეკემბრის თვეში ბიუჯეტში შემოსულია 72.2 ათ. ლარი, გეგმით უნდა შემოსულიყო 22.0 ათასი ლარი, შესრულება შეადგენს 328.2 %-ს. აქედან ძირითადი აქტივების გაყიდვიდან შემოსულია 22.6 ათასი ლარი, არაწარმოებული აქტივებიდან (მიწა) 1.9 ათასი ლარი, მატერიალური მარაგებიდან 47.7 ათასი ლარი.

ჭიათურის მუნიციპალიტეტის 2019 წლის წლიური (იანვარ-დეკემბრის თვის) ბიუჯეტის ასიგნებები

მუნიციპალიტეტის 2019 წლის დამტკიცებული ბიუჯეტის დაზუსტების შედეგად ბიუჯეტის წლიური გადასახდელები განისაზღვრა 38650.4 ათასი ლარით. გაწეულმა საკასო გადასახდელებმა საანგარიშო პერიოდში შეადგინა 34724.3 ათასი ლარი, გადასახდელების წლიური გეგმა ათვისებულია 89.8 %, მათ შორის მიმდინარე საკასო ხარჯები შეადგენს 16038.0 ათას ლარს, არაფინანსური აქტივების შექმნაზე გახარჯულია 18647.9 ათასი ლარი, ვალდებულების კლებაზე 38.4 ათასი ლარი.

ჭიათურის მუნიციპალიტეტის ბიუჯეტის გადასახდელების ხვედრითი წილი ეკონომიკური კლასიფიკაციის მიხედვით გამოსახული პროცენტულ მაჩვენებლებში მთლიან ბიუჯეტთან



ფუნქციონალური კლასიფიკაციის მიხედვით ჭიათურის მუნიციპალიტეტის 2019 წლის IV კვარტლის ბიუჯეტის საგასავლო ნაწილის შესრულების ანალიზი

ჭიათურის მუნიციპალიტეტის 2019 წლის წლიური ბიუჯეტის გადასახდელების შესრულება ფუნქციონალური კლასიფიკაციის მიხედვით (ათას ლარებში)			
დასახელება	გეგმა	შესრულება	შესრულების %
საერთო დანიშნულების სახელმწიფო მომსახურება	3916.7	3568.3	91.1
თავდაცვა	170.5	157.6	92.4
ეკონომიკური საქმიანობა	17233.6	15613.0	90.6
გარემოს დაცვა	1772.7	1683.2	95.0
საბინაო-კომუნალური მეურნეობა	3522.8	2771.3	78.7
ჯანმრთელობის დაცვა	278.4	269.0	96.7
კულტურა, რელიგია, სპორტი,	4288.3	4141.8	96.6
განათლება	5407.3	4872.3	90.1
სოციალური დაცვა	2060.1	1647.9	80.0
სულ ხარჯები	38650.4	34724.3	89.8

ჭიათურის მუნიციპალიტეტის ბიუჯეტის ასიგნებებიდან:

1. წარმომადგენლობითი და აღმასრულებელი ორგანოების დაფინანსებას მოხმარდა

2019 წლის 12 თვეში 3568.3 ათასი ლარი, გეგმიური ხარჯების **3916.7** ათასი ლარის **91.1 %** მ.შ. მიმდინარე ხარჯებმა შეადგინა **2980.1** ათასი ლარი, არაფინანსური აქტივების შეძენას მოხმარდა **549.8** ათასი ლარი, ვალდებულების კლებაზე მიმართული იქნა **38.4** ათასი ლარი.

წარმომადგენლობითი და აღმასრულებელი ორგანოების ასიგნებებიდან:

ა) საკრებულოს დასაფინანსებლად მიმართული იქნა **699.4** ათ. ლარი. დაფინანსდა 90.6 %-ით. (გეგმა 772.0 ათასი ლარი)

ბ) მუნიციპალიტეტის მერიის დასაფინანსებლად **2866.3** ათ. ლარი, დაფინანსდა 92.7 %-ით (გეგმა **3095.5** ათ.ლარი). თანამშრომელთა გადამზადებაზე გაიხარჯა **2.5** ათასი ლარი. გეგმა შეადგენდა 6.0 ათას ლარს.

გ) წინა წლებში წარმოქმნილი დავალიანების დაფარვისა და სასამართლოს გადაწყვეტილებების აღსრულების ფონდიდან გამოყოფილი იქნა 2019 წლის იანვარ-დეკემბერში 142280.36 ლარი, რითაც დაზუსტდა ხარჯების შესაბამისი კლასიფიკაციის კოდები და მუხლები, კერძოდ ა) 18888 ლარი გაიცა მერის 15.01.1019 წლის N51 61 ბრძანების შესაბამისად სასაჩუქრე პაკეტების დავალიანების დასაფარავად ბ) 397 ლარი გაიცა მერის 18.01.2019წ. N51 66 ბრძანების შესაბამისად სახურავი მასალის შეძენის დავალიანების დასაფარავად. დ) 90 ლარი გაიცა მერის 24.01.2019წ. N51 101 ბრძანების შესაბამისად თავდაცვის თანამშრომელთა მივლინების დავალიანების დასაფარავად. ე) 17156 ლარი გაიცა მერის 25.01.2019 წლის N51 117 ბრძანების შესაბამისად ქალაქის გერბის მოწყობის სამუშაოების ღირებულების დავალიანების დასაფარავად. ვ) 515 ლარი გაიცა მერის 06.02.2019წ. N51 173 ბრძანების შესაბამისად სასამართლო გადაწყვეტილებით დაკისრებული ბაჟის გადასახდელად. ზ) 13040.58 ლარი გაიცა მერის 07.02.2019 წლის შპს არტ მშენის მიერ გზის სამუშაოების ასანაზღაურებელი ხარჯების დავალიანების დასაფარავად. თ) 4038 ლარი გაიცა მერის 28.02.2019 წლის N 51 489 ბრძანების შესაბამისად სასამართლოს მიერ შპს ღია გულის სასარგებლოდ დაკისრებული სამკურნალო საპერაციო ხარჯების დავალიანების ასანაზღაურებლად. ი) 27857 ლარი გაიცა გზების მშენებლობაზე “შპს ზუბას“ მიერ განხორციელებული სამუშაოების სასამართლო გადაწყვეტილების საფუძველზე ასანაზღაურებლად. 568 ლარი გაიცა მერის 26.03.2019 წლის N 51 708 ბრძანების შესაბამისად სასამართლოს მიერ შპს აკად ო. ლუდუშაურის ეროვნული

სამედიცინო ცენტრის დაკისრებული სამკურნალო საპერაციო ხარჯების დავალიანების ასანაზღაურებლად. “მუნიციპალიტეტის მერის 2019 წლის 10.07 N51 1451 ბრძანებისა და 02.08.2019 წლის N51 1650 ბრძანების საფუძველზე გაიცა შესაბამისად 19693 ლარი და 31360.94 ლარი სამკურნალო საპერაციო და სამედიცინო ინსტრუმენტალურ-ლაბორატორიული კვლევების ხარჯის დავალიანების დასაფარავად. 02.08 2019 წლის N51 1643 ბრძანებით გაიცა 300 ლარი მერიის სხვადასხვა მიმდინარე ხარჯის დავალიანების დასაფარავად. მუნიციპალიტეტის მერის 25.10.1019 წლის N51 2222 ბრძანების შესაბამისად გაიცა 1350 ლარი საქართველოს მუნიციპალური განვითარების ფონდიდან მუნიციპალიტეტისათვის თვითმცლელი ნაგავმზიდი მანქანის და ნარჩენების კონტეინერის სესხის დავალიანების დასაფარავად. მერის 13.12.2019 წლის N2664 ბრძანებით გაიცა 7026.84 ლარი სასამართლოს მიერ შპს „ფარმას“ სასარგებლოდ დაკისრებული სამკურნალო საპერაციო ხარჯების დავალიანების ასანაზღაურებლად.

დ) მერის სარეზერვო ფონდიდან 2019 წლის იანვარ - დეკემბრის თვეში გამოყოფილი იქნა 63237.0 ლარი, რითაც დაზუსტდა ხარჯების შესაბამისი კლასიფიკაციის კოდები და მუხლები, მათ შორის: ა) მუნიციპალიტეტის მერის 2019 წლის პირველი თებერვლის N51 156 ბრძანების შესაბამისად მერიის ადმინისტრაციული შენობის კანალიზაციის ხარჯისთვის გამოყოფილი იქნა 650 ლარი. ბ) მუნიციპალიტეტის მერის 03.04.2019 წლი N51 776 ბრძანების შესაბამისად სტიქიის შედეგად დაზარალებული მოსახლეობისათვის გადასახურავი მასალის შესაძენად გამოყოფილი იქნა 20850 ლარი, გ) მუნიციპალიტეტის მერის 22.04.2019 წლის N51 935 ბრძანების შესაბამისად სოფელ წირქვალში ბრეგვაძეებისა და ჭიტაძეების უბანში საყრდენი კედლის მოწყობისათვის 5470 ლარი, დ) მუნიციპალიტეტის მერის 01.07.2019 წლის N51 1412 ბრძანების შესაბამისად სოფელ მღვიმევში დაზიანებული კანალიზაციის ქსელის აღსადგენად 400 ლარი. ე) მუნიციპალიტეტის მერის 02.08.2019 წლის N51 1651 ბრძანების შესაბამისად სოფელ ითხვისში სარიტუალო დარბაზის გაზიფიცირებისათვის 721 ლარი, ვ) მუნიციპალიტეტის მერის 13.09.2019 წლის N51 1919 ბრძანების შესაბამისად სოფელ მეჩხეთურში საავტომობილო ხიდის აღსადგენად 13956 ლარი. მუნიციპალიტეტის მერის 09.10.2019 წლის N51 2085 ბრძანებით ჭიათურაში გიორგაძის ქუჩა N6-ში დრენაჟის მოწყობის საპროექტო სახარჯთაღრიცხვო დოკუმენტაციის

მოსამზადებლად 2000 ლარი, მუნიციპალიტეტის მერის 24.10.2019 წლის N 51 2211 ბრძანებით სოფელ საკურწეში ელექტრო ძრავის შესაძენად 3500 ლარი, მუნიციპალიტეტის მერის 29.10.2019 წლის N51 2272 ბრძანებით წყალმომარაგების სისტემის რეაბილიტაციისათვის 1200 ლარი, მუნიციპალიტეტის მერის 22.11.2019 წლის N51 2444 ბრძანებით სოფელ თვალუეთში წყლის ტუმბოსა და სტაბილიზატორის შესაძენად 3000 ლარი, მუნიციპალიტეტის მერის 25.11.2019 წლის N51 2455 ბრძანებით ბარათაშვილის ქ. N3-ის მიმდებარედ ცენტრალური სასაფლაოს შემზღუდავი საყრდენი კედლის რეაბილიტაციისათვის 10290 ლარი. წლის ბოლოს გრანტის სახით გამოყოფილი იქნა 1.2 ათასი ლარი, რომლის ათვისება 2019 წელში ვერ მოხერხდა.

2. თავდაცვა

3. ქვეყნის თავდაცვისუნარიანობის ხარისხის ამაღლების ხელშეწყობის მიზნით მუნიციპალიტეტში განხორციელდა წვევამდელთა სამხედრო აღრიცხვისა და გაწვევის, სამედიცინო შემოწმებისა და ტრანსპორტირების ღონისძიებები, აღნიშნული ღონისძიებებისა და მასთან დაკავშირებული ხარჯების დაფინანსებას მოხმარდა 157.6 ათასი ლარი, დაფინანსდა 92.4 %-ით (გეგმა 170.5 ათასი ლარი)

2019 წლისთვის ქიათურის მუნიციპალიტეტის მიერ დასახული იქნა ძირითადი პრიორიტეტები და პროგრამები, რომელიც მოიცავდა:

1. ინფრასტრუქტურის მშენებლობა, რეაბილიტაცია და ექსპლოატაცია;
2. განათლება, კულტურა, რელიგია, ახალგაზრდობის ხელშეწყობა და სპორტი;
3. მოსახლეობის ჯანმრთელობის დაცვა და სოციალური უზრუნველყოფა;
4. თავდაცვა, საზოგადოებრივი წესრიგი და უსაფრთხოება;

1. მუნიციპალიტეტის ინფრასტრუქტურის მშენებლობა, რეაბილიტაცია და ექსპლოატაცია

მუნიციპალიტეტის ეკონომიკური განვითარებისათვის მუნიციპალური ინფრასტრუქტურის შემდგომი გაუმჯობესება 2019 წლის ბიუჯეტის ერთ-ერთ მთავარ პრიორიტეტს წარმოადგეს. პრიორიტეტის ფარგლებში მოხდა საგზაო ინფრასტრუქტურის მშენებლობა-რეაბილიტაცია, ქალაქის საცხოვრებელი უბნების, ეზოების, დასასვენებელი პარკების, 10 მაღალსართულიანი საცხოვრებელი

კორპუსების კეთილმოწყობა, საყრდენი კედლების და გარე განათების ქსელის რეაბილიტაცია, მოვლა-პატრონობა. მუნიციპალური ინფრასტრუქტურის მშენებლობისა და რეაბილიტაციის გარდა პრიორიტეტის ფარგლებში განხორციელდება არსებული ინფრასტრუქტურის მოვლა შენახვა და დაფინანსდა მის ექსპლოატაციასთან დაკავშირებული ხარჯები.

მუნიციპალიტეტის ინფრასტრუქტურის მშენებლობა, რეაბილიტაცია და ექსპლოატაციაზე გამოყოფილი ასიგნებების საკასო შესრულება 2019 წლის იანვარ - დეკემბრის თვეში შეადგენს **20067.5** ათას ლარს, დაფინანსდა 89.1%-ით (გეგმა **22529.2** ათასი ლარი) მათ შორის:

1.1 საგზაო ინფრასტრუქტურის მშენებლობა-რეაბილიტაცია და მოვლა-შენახვა

პროგრამის ფარგლებში განხორციელდა მუნიციპალიტეტში არსებული რეაბილიტირებული ცენტრალური გზების მდგომარეობის შენარჩუნება, ახალი/მეორე ხარისხოვანი გზების, სასოფლო გზების და შიდაკვარტალური გზების რეაბილიტაცია. ასევე განხორციელდა საბაგირო გზის დაფინანსება. განხორციელდა ფეხით მოსიარულეთათვის კიბეების მოწყობა და მოაჯირების შეკეთება-მოწყობა.

საგზაო ინფრასტრუქტურის მშენებლობა, რეაბილიტაცია და მოვლა შენახვაზე გაიხარჯა **13492.2** ათასი ლარი (გეგმა 14713.3 ათასი ლარი დაფინანსების პროცენტი 91.7, საიდანაც გზების რეაბილიტაციას მოხმარდა 13208.3 ათასი ლარი (გეგმა 14429.3 ათ. ლარი), საგზაო ნიშნების დამონტაჟებასა და მაგისტრალური მონიშვნით სამუშაოებზე ვიდეო კონტროლისა და სექციური სიჩქარის ვიდეო გამაფრთხილებელი ნიშნების მოსაწყობად გაიხარჯა 4.0 ათასი ლარი (გეგმა 4.0 ათასი ლარი) საბაგირო გზების სუბსიდირებას მოხმარდა გეგმური 260.0 ათასი ლარი. საავტომობილო ტრანსპორტის დასაფინანსებლად ჭიათურის სატრანსპორტო კომპანიას გადაერიცხა 20.0 ათასი ლარი.

2.2. კომუნალური ინფრასტრუქტურის მშენებლობა რეაბილიტაცია და ექსპლუატაცია

პროგრამის ფარგლებში განხორციელდა წყალმომარაგების სისტემის აღდგენა, მრავალსართულიანი სახლების ფასადების რეაბილიტაცია, გარე განათების

ქსელის გაფართოება, არსებული გარე განათების ქსელის მოვლა-შენახვა, უზრუნველყოფილი იქნა მუნიციპალიტეტის დასუფთავება და მაწანწალა ცხოველებისგან დაცვა, განხორციელდა საყრდენი კედლების აღდგენა და საბინაო ამხანაგობების დაფინანსება (სახურავები), სანიაღვრე არხების აღდგენა. კომუნალური ინფრასტრუქტურის მშენებლობა რეაბილიტაცია და ექსპლუატაციას მოხმარდა **5012.8** ათასი ლარი, დაფინანსდა 86.9 %-ით (გეგმა 5768.8 ათასი ლარი), აქედან წყალმომარაგების სისტემის აღდგენაზე გაიხარჯა 224.9 ათ.ლარი (გეგმა 464.8 ათ.ლარი, დაფინანსდა 48.4 %-ით), სანიაღვრე არხების აღდგენაზე 35.3 ათ. ლარი (გეგმა 37.7 ათ. ლარი), კეთილმოწყობისა და დასუფთავების სერვის ცენტრის ანგარიშზე ქალაქის დასუფთავებისა და კეთილმოწყობის ღონისძიებების გასახორციელებლად გადარიცხული იქნა 1647.9 ათასი ლარი (გეგმა 1735.0 ათ. ლარი), საყრდენი კედლის მოწყობაზე გაიხარჯა 988.6 ათასი ლარი (გეგმა 1143.2 ათ.ლარი მუნიციპალიტეტის ამხანაგობების განვითარების ხელშეწყობის პროგრამაზე გაიხარჯა 2110.4 ათასი ლარი (გეგმა 2380.1 ათ. ლარი), მათ შორის: საცხოვრებელი სახლებისათვის სახურავის აღსადგენად სახურავის მასალის შექმნაზე გაიხარჯა 97.8 ათასი ლარი, (გეგმა 102.2 ათასი ლარი). საცხოვრებელი ფასადების აღდგენაზე მიმართული იქნა 2012.5 ათასი ლარი (გეგმა 2277.9 ათასი ლარი). გარე განათების აღდგენა-მოვლა პატრონობაზე 5.7 ათ.ლარი (გეგმა 8.0 ათ. ლარი).

2.3. მუნიციპალიტეტის კეთილმოწყობის ღონისძიებები

პროგრამის ფარგლებში განხორციელდა მუნიციპალიტეტში არსებული სკვერებისა და პარკების კეთილმოწყობა და გამწვანება, ფეხით მოსიარულეთა გადასასვლელებისა და კიბეების მოწყობა-რეაბილიტაცია.

მუნიციპალიტეტის კეთილმოწყობის ღონისძიებებზე გაიხარჯა 430.4 ათასი ლარი, დაფინანსდა 64.2 %-ით (გეგმა 670.0 ათასი ლარი). მათ შორის სკვერების მოვლა პატრონობაზე გაიხარჯა 369.6 ათასი ლარი (გეგმა 511.5 ათ.ლარი) ფეხით მოსიარულეთა გადასასვლელების, კიბეების, მოედნების მოწყობა და რეაბილიტაციაზე 60.8 ათასი ლარი (გეგმა 158.5 ათასი ლარი).

1.4. სოფლის მხარდაჭერის პროგრამის ფარგლებში განსახორციელებელი პროექტების დასაფინანსებლად მიმართული იქნა 1132.1 ათასი ლარი (გეგმა 1377.1 ათასი ლარი, მ.შ ცენტრალური ბიუჯეტით 812.0 ათ.ლარი)) დაფინანსდა 82.2%-ით.

2. განათლება

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ მთავარ პრიორიტეტს წარმოადგენს,

მუნიციპალიტეტში ფუნქციონირებს ა(ა)იპ გაერთიანებული საბავშვო ბაღი რომელიც აერთიანებს 32 საბავშვო ბაღს, სადაც განათლებას იღებს 1600-დე ბავშვი. პროგრამის ფარგლებში მუნიციპალიტეტმა 2019 წელს დააფინანსა ბაღების ფუნქციონირებასთან დაკავშირებულ ყველა ხარჯი, მათ შორის მასწავლებელთა და აღმზრდელთა ხელფასები და ბაღების სხვა მიმდინარე ხარჯები. საბავშვო ბაღების ეზოებისა და შენობების სარეაბილიტაციო სამუშაოები და ახალი საბავშვო ბაღების მშენებლობა.

განათლების ღონისძიებებზე 2019 წელში გაიხარჯა **4872.3** ათასი ლარი, დაფინანსდა 90.1 %-ით (გეგმა **5407.3** ათ. ლარი), აქედან 3753.9 ათასი ლარი გაცემულია ხარჯების სახით, 1118.4 ათ. ლარი არაფინანსური აქტივების შესაძენად. აქედან სკოლამდელი განათლების ხელშესაწყობად დახარჯულია **2922.8** ათასი ლარი, ნაცვლად გეგმური 2963.0 ათასი ლარის, დაფინანსებულია 98.6 %-ით. ზოგადი განათლების ხელშესაწყობად გაიცა 1871.4 ათასი ლარი (გეგმა შეადგენდა 1908.1 ათას ლარს) დაფინანსდა 98.1 %-ით. საბავშვო ბაღების რეაბილიტაციაზე გაიხარჯა 78.0 ათასი ლარი (გეგმა 536.1 ათასი ლარი) დაფინანსდა 14.5 %-ით. გეგმაში გათვალისწინებული კოსტავას ქუჩაზე საბავშვო ბაღის მშენებლობა საანგარიშო წელს ვერ მოესწრო, რის გამოც დარჩა თანხა აუთვისებელი.

3. კულტურა, რელიგია, ახალგაზრდული და სპორტული ღონისძიებები

მუნიციპალიტეტის ინფრასტრუქტურული და ეკონომიკური განვითარების პარალელურად, ერთ-ერთი პრიორიტეტია ახალგაზრდების მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, მუნიციპალიტეტი განაგრძობს კულტურული ობიექტების ფინანსურ მხარდაჭერას, წარმატებული სპორტსმენების ხელშეწყობას და შესაბამისი კვირობების შექმნას, რათა ნიჭიერმა

ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება. ასევე ახალგაზრდებში ცხოვრების ჯანსაღი წესის წახალისების მიზნით გატარებული ღონისძიებების დაფინანსებას;

2019 წლის განმავლობაში კულტურა, რელიგია, ახალგაზრდული და სპორტული ღონისძიებები დაფინანსდა 95.8 %-ით გეგმით უნდა დახარჯულიყო 4288.3 ათასი ლარი, ფაქტიურად დაიხარჯა 4141.8 ათასი ლარი საიდანაც: 3536.5 ათასი ლარი მიმართული იქნა ხარჯების სახით, ხოლო 605.3 ათასი ლარი არაფინანსური აქტივების შექმნაზე, აქედან:

ა) სპორტის დაფინანსებას მოხმარდა **1769.7** ათასი ლარი, დაფინანსდა 96.3 %-ით (გეგმა 1838.6 ათასი ლარი), 2019 წლის განმავლობაში პროგრამის ფარგლებში დაფინანსდა:

- 1) რაგბის სპორტული სკოლა 389.1 ათასი ლარით (გეგმა 391.0 ათ.ლარი),
- 2) N27 სპორტული სკოლა 780.5 ათასი ლარით (გეგმა 782.6 ათ.ლარი)
- 3) ბავშვთა და მოზარდთა საფეხბურთო სპორტსკოლა 231.0 ათასი ლარით (გეგმა 232.5 ათ. ლარი)
- 4) სპორტული ობიექტების რეაბილიტაციაზე მიმართული იქნა 369.1 ათასი ლარი (გეგმა 432.5 ათ. ლარი).

ბ) მუნიციპალიტეტის კულტურული ტრადიციების დაცვის და ხელოვნების განვითარების ხელშეწყობის მიზნით პროგრამის ფარგლებში გრძელდება სხვადასხვა კულტურული ობიექტების ფინანსური მხარდაჭერა.

კულტურის განვითარებას საანგარიშო წლის განმავლობაში მოხმარდა **2157.1** ათ. ლარი (გეგმა 2217.6 ათასი ლარი), დაფინანსდა 97.3 %-ით. 2019 წლის განმავლობაში პროგრამის ფარგლებში დაფინანსდა:

- 1) სსიპ კულტურულ შემოქმედებითი ცენტრი 1029.5 ათასი ლარით (გეგმა 1030.2 ათ.ლარი);
- 2) ა(ა)იპ N1 მუსიკალური სკოლა 290.5 ათასი ლარით (გეგმა 302.0 ათ. ლარი);
- 3) ა(ა)იპ N2 მუსიკალური სკოლა 201.7 ათასი ლარით (გეგმა 206.6 ათ.ლარი);
- 4) ა(ა)იპ სახვითი ხელოვნების სკოლა 65.5 ათასი ლარით (გეგმა 65.9 ათ. ლარი);
- 5) ა(ა)იპ ცენტრალური ბიბლიოთეკა 292.0 ათასი ლარით, (გეგმა 293.4 თ. ლარი),

ჭიათურის თეატრს გრანტის სახით გადაერიცხა 58.0 ათასი ლარი,(გეგმა 58.0 ათ. ლარი), კულტურის ობიექტების რეაბილიტაციაზე გამოყოფილი 261.5 ათასი ლარიდან ათვისებული იქნა 220.0 ათასი ლარი.

გ) ახალგაზრდული პროგრამების დასაფინანსებლად მიმართული იქნა **108.7** ათასი ლარი. (გეგმა **120.0** ათ.ლარი) დაფინანსდა 90.6 %-ით. პროგრამის ფარგლებში განხორციელებული იქნა წარმატებული სტუდენტების, მოსწავლეების, სპორტსმენების პედაგოგების ჯილდოების გაცემა, სხვადასხვა ინტელექტუალურ-შემოქმედებითი ღონისძიებების ხარჯების დაფინანსება.

დ). რელიგიის პროგრამის ფარგლებში განხორციელდა მუნიციპალიტეტის ტერიტორიაზე არსებული ეკლესია-მონასტრების ფინანსური მხარდაჭერა, ასევე ზოგიერთ ტაძარსა და მის მიმდებარე ტერიტორიაზე დაფინანსდა მცირე სარეაბილიტაციო სამუშაოები, რაზეც გაიხარჯა 90.0 ათასი ლარი. (გეგმა 90.0 ათ. ლარი).

ე) კულტურული ღონისძიების დაფინანსებაზე გასართობი ღონისძიების(სიმღერისა და იუმორის საღამოს) მოსაწყობად დაიხარჯა 3.8 ათ.ლარი და ჭავჭავაძის ქუჩაზე კედლის მოხატვასა და სამხატვრო ფესტივალის ორგანიზებაზე 12.4 ათასი ლარი, სულ 16.2 ათასი ლარი გეგმა შეადგენდა 22.0 ათას ლარს.

4 მოსახლეობის ჯანმრთელობის დაცვა და სოციალური უზრუნველყოფა

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. ერთიანი სახელმწიფო პოლიტიკის ფარგლებში გრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ მუნიციპალიტეტის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან. ასევე მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათების უზრუნველყოფას.

მოსახლეობის ჯანმრთელობის დაცვასა და სოციალურ უზრუნველყოფაზე 2019

წლის იანვარ-დეკემბერში გახარჯული იქნა **1916.9** ათასი ლარი, დაფინანსდა 82.0 %-ით. (გეგმა **2338.5** ათასი ლარი), აქედან:

4.1 ჯანდაცვის პროგრამით გათვალისწინებულ ღონისძიებებს მოხმარდა **269.0** ათ. ლარი (გეგმა 278.4 ათასი ლარი), მათ შორის საზოგადოებრივი ჯანდაცვის პროგრამით გათვალისწინებულ ღონისძიებებზე დაიხარჯა 132.3 ათასი ლარი (გეგმა 136.3 ათასი ლარი), ჯანმრთელობის ღონისძიებების მხარდამჭერ პროგრამებს მოხმარდა 136.7 ათასი ლარი (გეგმა 142.1 ათასი ლარი).

4.2 სოციალურ პროგრამებზე გაიხარჯა **1647.9** ათასი ლარი, დაფინანსდა 80.0 %-ით (გეგმა 2060.1 ათ.ლარი). მუნიციპალიტეტში შექმნილ მძიმე სოციალური ფონის გათვალისწინებით, მცირე შემოსავლის მქონე მოსახლეობის დაცვის მიზნით მუნიციპალიტეტმა განახორციელა მათთვის სოციალური დახმარებების გაწევა. რის შედეგად დაფინანსდა სოციალური პროგრამები:

ა) ავადმყოფთა სოციალური დაცვა

ა.ა) სამკურნალო და საოპერაციო ხარჯების დაფინანსება

ა.ბ) ჰემოდიალიზისა და მუდმივ ჩანაცვლებით მკურნალობას დაქვემდებარებულ პირთა დახმარება;

ა.გ) მკვეთრად შეზღუდული შესაძლებლობების მქონე პირთა დახმარება;

ა.დ) სიცოცხლისათვის საშიში და იშვიათი დაავადების მქონე პირთა დახმარება;

ა.ე) რადიაქტიური ნივთიერებების ზემოქმედების შედეგად დაავადებულ პირთა დახმარება

ბ) ხანდაზმულთა დახმარება ;

გ) ომის ვეტერანის სარიტუალო მომსახურება;

დ) ოჯახებისა და ბავშვების სოციალური დაცვა ;

ე) სტიქიური მოვლენების შედეგად დაზარალებულთა დახმარება;

ვ) დევნილთა სოციალური დაცვა;

ზ) ტერიტორიული მთლიანობისათვის დაღუპულთა ოჯახების დახმარება

თ) ომის ვეტერანთა დახმარება

ი) მარჩენალდაკარგულ პირთა დახმარება

კ) მრავალსართულიან საცხოვრებელ სახლებში მცხოვრებ ოჯახთა დახმარება

ლ) უმწეო და მიუსაფარ ადამიანთა უფასო სასაძილოთი მომსახურება

აქედან ავადმყოფთა და შეზღუდული შესაძლებლობის მქონე პირთა სოც. დაცვაზე მიმართული იქნა 1011.9 ათ. ლარი (გეგმა 1045.2 ათასი ლარი) , მათ შორის:

ა.ა). სამკურნალო და საოპერაციო და სამედიცინო ლაბორატორიულ ინსტრუმენტალური ხარჯების თანადაფინანსებაზე გაიხარჯა 691.9 ათასი ლარი გეგმა 722.3 ათასი ლარი,

ა.ბ) ჰემოდიალიზსა და მუდმივ ჩანაცვლებით მკურნალობას დაქვემდებარებულ პირთა დახმარებაზე გეგმიური 48.1 ათასი ლარი.

ა.გ) მკვეთრად შეზღუდული შესაძლებლობების მქონე პირთა დახმარებაზე 153.8 ათასი ლარი, გეგმა 154.5 ათასი ლარი;

ა.დ) სიცოცხლისათვის საშიში და იშვიათი დაავადების მქონე პირთა დახმარებაზე 117.0 ათასი ლარი, გეგმა 118.8 ათასი ლარი;

ა.ე) რადიაქტიური ნივთიერებების ზემოქმედების შედეგად დაავადებულ პირთა დახმარებაზე 1.1 ათასი ლარი, გეგმა 1.5 ათასი ლარი;

ბ) ხანდაზმულთა დახმარებაზე გეგმიური 17.0 ათასი ლარი.

გ) ომის ვეტერანის სარიტუალო მომსახურებაზე 1.5 ათასი ლარი, გეგმა 4.2 ათასი ლარი;

დ) ოჯახებისა და ბავშვების სოციალური დაცვაზე 332.5 ათასი ლარი, გეგმა 663.5 ათასი ლარი. მათ შორის: ახალშობილთა ოჯახების დახმარებაზე დაიხარჯა 69.9 ათასი ლარი, მრავალშვილიანი ოჯახების სოციალურ დაცვაზე 45.0 ათასი ლარი, შეჭირვებულ ოჯახთა სოციალურ დაცვაზე 191.3 ათასი ლარი, ხოლო ფანცულაიას ქუჩაზე მრავალსართულიან საცხოვრებელ სახლებში მცხოვრებ ოჯახთა კომპენსაციისთვის გამოყოფილი 345.0 ათასი ლარიდან ათვისებული იქნა 26.4 ათასი ლარი, დარჩენილი თანხა გაიცა 2020 წლის იანვრის თვეში.

ე) სტიქიური მოვლენების შედეგად დაზარალებულთა დახმარებაზე 47.9 ათასი ლარი, გეგმა 72.4 ათასი ლარი;

ვ) დევნილთა სოციალური დაცვაზე 8.9 ათასი ლარი. გეგმა 12.1 ათასი ლარი

ზ) ტერიტორიული მთლიანობისათვის დაღუპულთა ოჯახების დახმარებაზე 2.2 ათასი ლარი, გეგმა 2.8 ათასი ლარი;

თ) ომის ვეტერანთა დახმარება ზე 61.0 ათასი ლარი, გეგმა 62.2 ათასი ლარი;

ი) მარჩენალდაკარგულ პირთა დახმარებაზე 20.1 ათასი ლარი, გეგმა 22.0 ათასი ლარი. .

კ) 165 უმწეო და მიუსაფარ ადამიანთა უფასო სასადილოთი მომსახურებაზე 144.9 ათასი ლარი, გეგმა 150.5 ათასი ლარი.

ლ) საქ.პრეზიდ.26.12.07წ #771 განკარგულებით გამოყოფილი რეგრესის პენსიის გეგმიური ნაშთი შეადგენს 5.6 ათას ლარს, რომელიც გახარჯული არ არის.

2020 წლის პირველი იანვრისთვის მუნიციპალიტეტის საბიუჯეტო სახსრების ფულადი ნაშთი შეადგენდა 4559.9 ათ. ლარს, აქედან ცენტრალური ბიუჯეტის თანხებზე 991.0 ათას ლარს, საკუთარ სახსრებზე 3568.9 ათას ლარს . მათ შორის:

#	ფულადი სახსრების ნაშთი	თანხა
1	2020 წლის 01 იანვრის მდგომარეობით სულ	4559875
2	მათ შორის ცენტრალური ბიუჯეტიდან:	
3	რეგრესის პენსია საქ.პრეზიდ.26.12.07წ #771 განკ.	5591.17
4	მიწისძვრით დაზარალ.დასახმარება2012წ26.05 #972 განკ.	15400
5	საქ.მთ.18.01.2018 წლისN136 განკ. გზების რეაბილიტაცია	97961.56
6	საქ.მთ.13.06.2017წ.#1213განკ.სატიქის შედეგებისსალიკვიდაც.ლონისმ.განსახორციელებლად	2000
7	საქ.მთ.12.07.2017წ#1454განკ.წყლის სისტემის რეაბილიტ.	20752.52
8	მიზნობრივი ტრანსფერი	14368
9	სკოლოების რეაბილიტაცია	1006
10	საქ.მთ.31.12.2018წ.N2577 განკ.გზების რეაბილიტ.	31307.49
11	საქ.მთ.18.012019წ.N13 განკ.სკოლების რეაბილიტ.	13707.4
12	საქ.მთ.18.012019წ.N13 განკ.სკოლების ტრანსპორტირების	18567.94
13	საქ. მთავრობი 22.01.2019წN45 განკ.სოფლის მხარდამჭერი პროგრამა	11707.96
14	საქ. მთავრობის 15.03.2019წ.N558 განკ. სტიქია	66736.94

15	საქ. მთავრობის 15.03.2019წ.N554განკ. ამბულატორია	797.83
16	საქ. მთავრობის 12.042019წ.N815განკ. გზა	451594
17	საქ. მთავრობის 10.07.2019წ.N1596 მუნიციპალიტ მიერ განსახორც. ღონისძიებები(სხვადასხვა განკარგ.დარჩენ.ნაშთების გაერთიანება)	239498
18	სულ ც/ ბიუჯეტიდან	990996.81
19	საკუთარი ნაშთი	3568878.19